

# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. III. Quinam testari possint, & Testamentum revocare?

**urn:nbn:de:hbz:466:1-40673**

voluntatem Testatoris expressam fuisse Principi voce, vel scripto ab alio, alia solemaitate, ex leg. *Omnium*, Cod. de *Testamentis*.

Quinto: Non requiritur solemnitas testium in Testamento, quod a Patre, Matre, aliove ascende conditum est, itaut liberis hæreditas dividatur, quamvis portionibus inqualibus.

Demum in Testamento factō a Rusticani, quando sunt in locis, ubi non possunt haberi plures testes, quam quinque, hic numerus testium sufficit, ex leg. ultim. Cod. de *Testamentis*; Et in terris subjectis temporali domino Pontificis satis est præsentia Parochi, & duorum, vel trium testium, ut notant Laym., & Molin. disp. 133.

### ARTICULUS III.

Quinam testari possint, & Testamentum revocare?

I. Omnes testari possunt, nisi iis jure naturali, aut positivo prohibeatur. Nemo autem ad testandum tenetur; Expedit tamen ad pias causas aliquid relinquare.

II. Naturali jure nequeunt testari infantes, amentes, furiosi, dum furore sunt correpti.

III. Jure positivo vetatur Testamentum surdis, & Mutis a nativitate. Quid de Cacis, Prodigis, Mancipis, Usurariis, Damnatis ad mortem, Impuberibus, Filiisfamilias? Quid de Clericis, ac de Beneficiariis? Quid de Regularibus?

IV. Num valide, an solum illicite absque Superioris licentia testantur, aut donent, qui vota simplicia in Societate Jesu emiserunt ante professionem?

V. Quoniam pacto revocari possit Testamentum?

VI. Ut prius Testamentum reddat posteriorius invalidum, quid requiratur?

Pars IV.

Et quomodo possit posteriorius Testamentum invalidare prius, in quo habetur clausula invalidativa posterioris?

VII. Qui juravit se non revocaturum esse Testamentum, quandonam posse illud revocare? Hujusmodi iuramentum non est contra bonos mores, nec absolute nullum.

**C**ertum est, omnibus habentibus liberam facultatem disponendi de bonis suis licitum esse testari, nisi aut naturali, aut positivo jure prohibeantur. Certum etiam est, neminem per se loquendo obligari ad testandum, quamvis aliquando fieri debeat Testamentum ad vitandas lites, & incommoda, quæ aliter obvenient; Et Christiani ad id adhortandi sunt, ut pro ratione suarum facultatum aliquid ad pias causas pro anima sua relinquant, ut recta ratio, & aliorum exempla suadent.

Quæritur tamen. Quinam prohibeantur testari?

II. Dico primo; Jure naturali prohibentur omnes, qui rationis usu carent; ut sunt infantes, amentes, furiosi; Quamvis si illud considerint, dum furor intermisit, & habebant lucida intervalla, ratum esse debet, licet postea in furorem reciderint.

III. Dico secundo, Jure positivo prohibitum esse testari, Primo, Surdis, & Mutis a nativitate; Cæcis vero permittitur testari, sed cum aliis conditionibus relatis a Dian. part. tract. 6. resol. 26.; Secundo, Prodigis, quibus bonorum administratio est interdicta; Tertio, Mancipiis; testari enim non possunt, nisi ad pias causas, vel domino consentiente; Quarto, Usurariis manifestis, nisi prius satisficerint, aut cautionem dederint; Quinto, Damnatis ad mortem, ubi eorum bona confiscanda sunt; Sexto Impuberibus ob judicium immaturitatem. Secundo, ptimo,

ptimo, Filiisfamilias, qui tantum de bonis Castrenibus, vel quasi castrenibus testari possunt, de Adventitiis vero solum ad pias causas de consensu Patris: Clericus tamen testari potest de bonis adventitiis etiam sine licentia Patris, & sine solemnitatibus juris Civilis, ut notat Dian. part. 5. tract. 3. resol. 124; sed cum solemnitatibus juris Canonici, adhibendo scilicet duos tantum, vel tres testes, ex eodem Dian. lo. ci. resol. 52.: Beneficiarius testari non potest de bonis Beneficii ad causas non pias; quamvis possit aliquid legare consanguineis, famulis, aut aliter benemeritis per modum justæ remunerationis. Possunt tamen Episcopi, & Cardinales de licentia Pontificis (quæ ex iusta causa dari potest) ad usus profanos testari de bonis Ecclesiasticis. Demum Regulares, qui non sunt Regulares Milites, ne de consensu quidem Superioris testari possunt; (sicut nec filiusfamilias sine consensu Patris,) possunt tamen de licentia Superioris aliquid donare causa mortis, sicut possunt donatione inter vivos, ut docet Dian. part. 5. tract. 3. resol. 128., quia magis est donare inter vivos, seu irrevocabiliter, quam donare causa mortis, ita scilicet ut donatio incipiat habere effectum suum post mortem donantis; ergo si Prælatus potest dare licentiam ad primum, poterit etiam ad secundum; Quamvis possit ex Laym. ad arbitrium talcm licentiam revocare ante mortem donantis.

IV. Religiosi Societatis Jesu post emissâ vota simplicia ante professionem, quamvis illicite, valide tamen testantur absque licentia Superioris, ex Sanch. lib. 7. cap. 8. num. 25. contra Less. cap. 4 n. 28. & Molin. disp. 139.; quia cum retineant dominium rerum suarum, voto paupertatis non irritatur eorum donatio, sed solum prohibetur usus sine licentia Superioris:

Laym. etiam lib. 3. tract. 5. cap. 7. juxta sententiam Lessii, & Molinæ contra Sanch. docet, donationes omnes factas ab habentibus vota simplicia in Societate Jesu sine licentia Superioris esse irritas; non secus ac donationes pupilli sine auctoritate Tutoris; quia Tridentum irritat omnes donationes non factas in duobus mensibus ante professionem, & excipit Societatem Jesu solum circa ea, quæ sunt propria suarum constitutionum; Unde cum sit contra Constitutiones renunciare sine licentia Superioris, ideo irritæ videntur hujusmodi renunciations; Hinc Notarii licentias Superiorum in hujusmodi renunciationibus solent inserere.

V. Porro circa revocationem Testamenti certum est, quod Testamentum, & quælibet ultima voluntas possit ad arbitrium Testatoris revocari, & mutari, potestque revocari tam tollendo aliquid substantiale, verbi gratia sigillum a Testamento facto, quam confiendo novum Testamentum perfectum, & solempne; aliter per secundum Testamentum non revocatur primum, ex leg. *Hac consuliſſima*, Cod. de *Testamentis*, nisi in aliquibus casibus exceptis, ut notat Laym. cap. 4.; verbi gratia, si secundum minus solempne sit ad pias causas, vel inter liberos factum.

VI. Ubi notandum, quod si in priori Testamento dicat Testator, quod si alterum Testamentum conditus sit, nolit secundum habere vim, in tali casu secundum Testamentum non revocat prius, nisi addat clausulam derogatoriam prioris: Immo non satis est, ut dicat in secundo Testamento, quod nolit valere alterum Testamentum prius factum, cum possit id dici ex oblivione prioris; sed debet revocare clausulam illam appositam in priori Testamento, & tunc valebit secundum Testamentum; nam ex leg. *Si,*

*Si quis, s. de Legatis nemo potest eam sibi legem dicere, ut a priori voluntate recedere non liceat.*

VII. Dubium est, An qui juravit, se non revocaturum Testamentum, possit illud deinde revocare?

Respondeo cum communi contra Gomez apud Dian. part. 5. tract. 3. resol. 122., quod peccet mortaliter peccato perjurii, si sine justa causa revocet; revocatio tamen erit valida in utroque foro: Quod si detur justa causa revocandi, verbi gratia, quia dispositum est contra leges justas, licite revocari potest; quia juramentum est iniquum; Potest autem peti relaxatio talis juramenti, quamvis non dispositi contra leges justas, juxta dicta quæst. 1. art. 4. Non tamen ad miserim, quod docet Gomez apud Dian. loc. cit., tale juramentum esse absolute nullum, utpote contra bonos mores, dando hæredibus occasionem desiderandi mortem Testatoris; (sicut in leg. Stipulo ff. de Verbor. obligat. dicitur esse iniquum, & non observandum hoc pactum, Instituo te hæredem, & nisi præstitero, spondeo tibi tantam pecuniam, quia tale pænum est contra libertatem naturalem testandi;) Et ratio est, quia non videtur esse contra bonos mores, nec peccatum ullum, in reverentiam Numinis invocati carere libertate testandi.

#### ARTICULUS IV.

Quinam possint Hæredes institui?

I. *Hæredes vel instituuntur a Testatore, vel veniunt ab intestato; Vel sunt necessarii, vel non necessarii; Vel universales, & ex ase, vel particulares, quibus aliqua pars assis relinguatur. Quenam sint Assis partes?*

II. *Hæredes necessarii quinam sint? Et*

*quenam sit legitima portio descenditum? Quinam in portionem hereditatis admittuntur in Capita, quinam in Stirpes? In feudalibus quinam, & quomodo succedant?*

III. *Quomodo se gerere debeat Pater, ac Mater relate ad filios illegitimos? Quid relinquere possint Spurii præter alimenta?*

IV. *Omnis homines, & Communitates institui possunt hæredes, nisi specialiter prohibeantur, ut Spurii, Heretici, Infames, qui dicuntur intestabiles. Quid de Religiosis? Quid de Professis Societatis Jesu? Potest domus Professa Societatis Jesu institui hæres; non tamen Conventus Fratrum Minorum.*

V. *Hæredes ab intestato quinam veniant? Quando nam succedant consanguinei in linea transversali usque ad decimum gradum? Et quando Fiscus secularis, quando Ecclesiasticus succedant?*

VI. *Uxor, qua sine dote nupst, quandonam succedat in quarta parte bonorum Mariti? Et quando maritus pauper in quarta parte bonorum uxoris?*

VII. *Quid restituere debeat conjux transiens ad secundas nuptias?*

VIII. *Hæres suus in hereditate succedit, antequam illam adeat, non vero hæres non suus.*

IX. *Qui hereditatem acceptavit, num tenetur aliquando solvere creditoribus defuncti supra vires hereditatis? Et quando illi competat quarta Trebellianica, aut Falcidia?*

I. **H**æredes, alii instituuntur a Testatore, alii veniunt ab intestato, seu de jure succedunt in hereditate, etiam nullo condito Testamento, aut Testamento non legitimate condito. Rursus hæredes ex Testamento, seu qui instituuntur in Testamento, alii sunt necessarii, hoc est,

X 2 quos